



UNIVERSITÄTS-
BIBLIOTHEK
PADERBORN

Universitätsbibliothek Paderborn

[Claudio Lalano Sodali Svo I. B. Santolius V.]

Santeul, Jean de

[S.l.], 1670

In S. Ioannem Baptistam Capite Minvtvm.

urn:nbn:de:hbz:466:1-13421

IN S. IOANNEM BAPTISTAM
CAPITE MINVTVM.

ECce saltantis pretium puellæ,
Fertur in disco caput amputatum.

Hæc cruentatis nova proferuntur
Fercula mensis.

Quæ rudes sylvis populos docebat,
Quæ Deum totâ resonabat aulâ,
Illa vox crudo refecata ferro
Muta filebit.

Occidit præco, sed adhuc timetur,
Vox filet Verbi, cruor ille clamat,
Atque fraterni temerata carpit
Fœdera lecti.

Nube sub densa jubar involutum
Venerat cæcis aperire terris:
Sole maturo velut umbra cessit
Lucifer orbi.

Summa laus Patri, genitæque Proli
Nube quam rupta Pater ore signat;
Et tibi visum specie columbæ
Numen amoris.

OMnibus manat cruor ecce venis,
 Hinc fitim longam fatia, tyranne,
 Et dapes inter, paterasque puro
 Sanguine liba.

Ut caput vidit dapibus paratis
 Triste fumanti natitare tabo,
 Hæsit, impastis fremuitque mensis
 Funeris autor.

Horruit cælum, tremuere turbæ,
 Ipsa se damnat feritas tyranni:
 Sola Saltatrix ovat insolentis
 Conscia facti.

Non tamen frontis gravitas serenæ
 Cessit immiti violata ferro,
 Dura mitescit placido sub ore
 Mortis imago.

Morte qui spreta metuendus, in ipso
 Regium crimen folio laceffis,
 Mille da Vero quoque pro tuendo
 Temnere mortes.